

do o traslados que asy sacare o fiziere sacar que vala e fagan fe complida bien, asy e tan complidamente como faria de la dicha carta de preuillejo oreginal, paresciendo en juyzio o fuera del, e desto en como paso el dicho Ferrand García en el dicho nonbre del dicho concejo de la dicha villa de Touarra pidolo signado para guarda del derecho del dicho concejo de la dicha villa de Touarra, e vezinos e moradores della e suyo en su nonbre. Testigos los susodichos. Va escripto entre renglones o diz, de la mi villa, e o diz, en la dicha razon tenian e les fiziese otras graças e merçedes, e o diz, dichos, e o diz lunes, e o diz, notario del rey del Andaluzia, e emendado o diz, fiziera, e o diz fizo escreuir, e o diz, les prendase, e entre renglones o diz, veinte, e o diz, dichos, e o diz, con sus selllos, e o diz por, e sobre raydo o diz, el, e o diz, o e cançellado, o diz, primeros siguientes, e entre renglones o diz, otros, e o diz, gelo no consyentan mas que dieienda e anpare al dicho concejo e omes de Chinchilla e manda uno dellos, e o diz como dicho es, e sobre raydo o diz, cunple, e o diz mi, e o diz, se cunple no le enpesca. E yo el dicho Alfonso Sanchez Cano, escriuano publico en la dicha çibdat de Chinchilla, por la actoridad a mi dada por los [. . .] alcaldes este dicho traslado fiz escreuir e sacar e escreui e saque de la dicha [carta de] pergamo oreginal [. . .] rey e lo conçerte e es cierto sacado enesta publica forma enestas quattro fojas e media de papel e en fyn de cada foja va rubricado de la señal de mi nonbre e apedimiento del dicho Ferrand García Calderon procurador del dicho concejo de la dicha villa de Touarra, lo escreui e fiz escreuir e sacar enesta forma publica, e fyz aqui este mio signo en testimonio. Alfonso Sanchez, escriuano [*Firma y rúbrica*] / fol. 5v.

J.A.P y M.E.M.